



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 111. Joannis Philippi de Lamberg Cardinalis mors.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.
A. C. 1712.

§. CXI.

Joannis Philippi de Lamberg Cardinalis mors.

Postremus inter Cardinales hoc anno denatos erat Joannes Philippus Comes de Lamberg natione Germanus. Hic inter natalium splendorem, & Parentum curas ingenue educatus, Salsburgi literis humanioribus vacavit, ac Viennæ Philosophiæ egregiam navavit operam, utriusque Jurisprudentiæ laurea insignitus. Ut vero Majorum suorum exemplo adolescentiam suam in Catholicæ fidei defensionem consecraret, aliquamdiu in variis expeditionibus contra Turcas susceptis militiæ tyrocinium auspicatus est; comprobata autem ejus fortitudine & Sapientia inter Cæsareos cubiculi Administratos, & Aulici Senatus Consiliarios cooptatus, non modo in Neoburgica Aula Imperatoris negotia solerter ac feliciter procurabat, sed & a Leopoldo I. Cæsare ad Brandenburgicum & Saxoniam Electores Legatus mittebatur, ut Viennæ a Turcis obsessæ suppetias impetraret: Tam prosper hujus Legationis erat successus, ut Lambergius contra Turcas cum Brandenburgico Electore, & cum Galliarum Rege contra grassantes

Epist. Clem. XI.

Gg 3

tur-

Sæc. XVIII. turbas proficuum firmaret foedus, a
 A. C. 1712. a Saxoniae Electore validas obtineret
 copias, quibus Austriae Metropolis in
 libertatem vindicata erat. Altera de-
 mum Legatione ad Ratisbonensia Im-
 perii comitia Cæsareus Legatus dece-
 nebatur, ubi tamen deposito Balthei
 sacrae militiae nomen dedit, atque Sa-
 lisburgensi, Passaviensi, & Olomucien-
 sibus Canonicatu auctus, ad Passaviensium
 Ecclesiae regimen Episcopus eligebatur.
 Nec diu tamen sacrae quieti indulgentia
 datum est Lambergio; rursus enim tan-
 quam Cæsaris Legatus ad Sarmatas
 abire compulsus, omnem movit lap-
 sidem, ut Fridericus Augustus Saxoniae
 Elector in Poloniae Regem seligeretur.
 Interfuit etiam Cracoviae ejusdem co-
 ronationi, qua peracta a Leopoldo Cae-
 sare ad Ratisbonensia Imperii comitia
 ablegatus, Plenipotentiarum munus
 fungebatur, ubi assertis Cæsaris iuri-
 bus Imperii pacem firmavit, vicissim
 vero ad ejusdem Imperatoris praesentiam
 ab Innocentio XII. Cardinalium Colle-
 gio adscriptus, ad Sacra comitia, in
 quibus Clemens XI. supremam Eccle-
 siae dignitatem consecutus est, Roma
 venit, inde vero iter relegens, prae-
 cipuas Italiae Aulas frequentabat, unico
 intento, ut cunctos Principes in Cae-
 saris fide & obsequio firmaret, eosque

in Gallos, qui Cæsari bellum denun- Sæc. XVIII.
 tiabant, excitaret. Ratisbonam rever- A. C. 1712.
 sus, ferventibus belli tumultibus, &
 Passavio a Bavaris occupato plurimas
 adversitates generoso sustinuit animo,
 tandem in Germaniæ Protectorem no-
 minatus, postquam per duodecim an-
 nos summa cum laude Plenipotentiarii
 munus obierat, violenta stomachi op-
 pressione correptus, die vigesima Octo-
 bris anno ætatis sexagesimo primo Ra-
 tisbonæ mortalitatem exiit, non sine
 maximo Aulæ Cæsareæ luctu; erat e-
 nim Minister fide, prudentia, integri-
 tate, atque in publicis negotiis feliciter
 expediendis dexteritate præstantissimus,
 moribus comis, affabilis & moderatus:
 nec minus fideliter explevit cunctas vi-
 gilantissimi Pastoris partes; ipse enim
 diæcesin suam lustravit, Tempa restau-
 ravit, ditavitque sacra supellectile,
 populum denique suum & Clerum san-
 ctissimis editis legibus pavit, potentius-
 que docuit exemplo quam verbo: Di-
 gnissimi huius Cardinalis laudes ipse-
 met Pontifex in suis literis ad Capitu-
 lum Passaviense die decima septima De-
 cembri datis complectebatur his ver-
 bis: *Tot, tantisque præditus erat virtuti-
 bus, ut illius obitu ingentem factam esse
 jacturam existimemus. Idcirco ex tristi
 nuntio gravem percepimus mœroris sensum,*

Sæc. XVIII. & dolumus, quemadmodum par erat, usque
 A. C. 1712. tam Ecclesiam istam vigili orbatam Antijhite,
 quam Sacrum Cardinalium Collegium hanc
 levi præsidio atque ornamento destitutum.

§. CXII,

*Varie Clementis Papæ Constitutio-
 nes & Epistolæ ad diversos.*

*Bull. magn.
 Const. Clem.
 XI. Epist.
 ejusdem
 pag. 1628.*

Cum gravissimæ identidem causæ,
 dubia, & lites ad Apostolicum tri-
 bunal deferrentur, Pontifex pastoralis
 sui officii partes sedulo interponens va-
 rias edidit Constitutiones & decreta,
 ac primo quidem die undecima Maij
 Carthusianis sub anathematis poena in-
 hibuit, ne cuicumque personæ etiam
 Cardinali in Monasteriis suis vesci car-
 nibus permittant: Nuntiatum erat
 Pontifici, quod Calvinistæ in oppido
 Porceti prope Aquisgranum necnon in
 Ducatu Limburgensi necquicquam re-
 clamante Abbatissa loci Domina, sectæ
 suæ exercitium invehere molirentur,
 hinc Carolum Cæsarem die vigesima
 Februarii & Joannem Guilielmum Pa-
 latinum Electorem die octava Aprilis
 anni sequentis rogabat, quatenus eo-
 rum conatibus eo promptius obsiste-
 rent, quo laudabilius Josephus Impera-
 tor idem eis jam inhibuisset, imo &
 Templum ab illis exstructum solo æquari
 jussi-